

神農本草經會通

味甘。氣寒平。無毒。○湯同。○東云。療崩漏。本
本草云。主欬逆。寒熱。煩滿。下赤白。血閉。癥瘕。大熱。
療小腹痛。結煩疼。鍊鉅服之。不飢。輕身延年。○藥
性論云。君。味鹹。主治崩中。○日華子云。治邪氣及
骨節疼。四肢不仁。痔瘻等疾。久服耐寒暑。又名太
乙餘糧。○晁經云。仲景治傷寒下痢不止。心下痞
硬。利在下焦。赤者。石脂禹餘糧湯主之。赤石脂餘
糧各一斤。並碎之。以水六升。煮取二升。去滓。分再
服。○湯云。本草同本經。

本經云。重可以去怯。禹餘糧之重。爲鎮固之劑。○
雷公云。看卽如石。輕敲便碎。可如粉也。兼重重如
葉子。雌黃。此能益脾。安臟氣。○雷云。石中黃。向裏
赤黑。黃味淡。微跂。卵中黃。微酸。个个如卵。內有子
一塊。此二名石。真似禹餘糧。不堪用也。若誤餌之。
令人腸乾。○晁經云。今晁上者。全是山石之形。都
不作卵狀。與舊說小異。茅山甚有好者。狀如牛黃。
重重甲錯。其佳處。乃紫色泚泚如麪。齧之無復礮。
雖然。用之宜細研。以水洮取汁。澄之。勿令有沙土。

也。○蘇恭云。太乙禹餘糧。與禹餘糧本一物。而有精粗之別。○局云。禹餘糧是禹餘糧。漏下癥瘕。用最良。入藥。須知全用殼。有黃末者。石中黃。○禹餘糧。破癥結。又止漏下。

白石英。○君也。惡馬目毒公。○大如指。長二三寸。六面如削。白澈有光。○局云。煨醋淬研。水飛。○生華陰山谷。及太山。蘇恭以澤州者爲勝。○有黃赤青黑四種。○日華子云。五色石英。平。治心腹邪氣。女人心腹痛。鎮心療胃中冷氣。益毛髮。悅顏色。治驚。

悸。安魂定魄。壯陽道。下乳。通亮者爲上。其補益隨藏色而治。

味甘辛。氣微溫。無毒。○東云。治咳嗽吐膿。



本經云。主消渴。陰痿不足。欬逆。胸膈間久寒。益氣除風濕痺。療肺痿。下氣利小便。補五臟。通日月光。久服輕身長年。耐寒熱。○藥性論云。君。治肺癰。吐膿。治嗽逆上氣。疸黃。○晁經云。四種。本經雖有名。而方家都不見用。故乳石論。以鍾乳爲乳。以白石英爲石。是六英之貴者。惟白石英也。又曰。乳者陽。

中之陰。石者陰中之陽。相反畏惡。動則爲害不淺。故乳石之發。方治雖多。而罕有能濟者。誠不可輕餌也。○衍義曰。白石英狀如紫石英。但差大而六稜。白色如水精。紫白二石英。當攻疾。可暫煮汁用。未聞久服之益。張仲景之意。只令咬咀。不爲細末者。豈無意焉。其久服更宜詳審。○局云。白石英能寬欬逆。治風濕痺。更強陰。悅顏益氣。除消渴。定魄安魂。又鎮心。

紫石英。○君也。長石爲之使。畏扁青。附子不欲鮑甲。

黃連麥句薑。○明澈如水精。紫色達頭如檇蒲者。
○局云。火煨醋淬七遍。研細。水飛過。○生太山山
谷。○今嶺南及會稽山中亦有之。

味甘辛。氣溫無毒。○湯云同。入手少陰經。足厥陰
經。○東云療驚悸崩中。

本經云。主心腹欬逆邪氣。補不足。女子風寒在子
宮。絕孕。十年無子。療上氣心腹痛。寒熱邪氣。結氣。
補心氣不足。定驚悸。安魂魄。填下焦。止消渴。除胃
中久寒。散癰腫。令人悅澤。久服溫中。輕身延年。○

本草云。得茯苓人參芍藥共療心中結氣。得天雄
菖蒲共療霍亂。○藥性論云。君女人服之有子。主
養肺氣。治驚癇。蝕膿。虛而驚悸不安。加而用之。○
日華子云。治癰腫毒等。醋淬。擣爲末。生薑米醋煎。
傳之。摩亦得。○晁經云。乳石論。無單服紫石者。惟
五石散則通用之。張文仲有鎮心單服紫石煮水。
法胡洽及千金方。則多雜諸藥同用。今方家用者。
惟治療婦人及治心病藥。時有使者。○湯云。本草
同本經。○衍義云。仲景治風熱。瘳瘳風引湯。紫石

英白石英寒水石石膏乾薑大黃龍齒牡蠣甘草滑石等分。右㕮咀以水一升煎去三分食後量多少溫呷之不用楂立効。○局云紫石英能除結氣安魂定魄作湯丸更宜子戶風寒病孕育何憂絕十年。○胎宮乏孕紫石英再弄之璋。

代赭石。○一名須丸。○臣也。一云使。○乾薑爲之使畏天雄附子。○赤紅青色如鷄冠有澤染爪甲不渝者良。生齊國山谷今河東京東山中亦有之。○局云赤土火煨醋淬七次研水飛出代州色赤故

名。

味苦甘。氣寒。無毒。○湯云。出姑幕者名須丸。出代郡者名代赭。入手少陰經。足厥陰經。○一云甘平。○東云。鎮肝之劑。

本經云。主鬼疰。賊風。蠱毒。殺精物。惡鬼。腹中毒邪。氣。女子赤沃。漏下。帶下。百病。產難。胞衣不出。墮胎。養血氣。除五臟血脉中熱。血痺。血瘀。大人小兒驚氣入腹。及陰痿不起。○藥性論云。使乾薑爲使。味甘平。主治女子崩中。淋瀝不止。療生子不落。末溫。

服之辟鬼魅。○日華子云止吐血鼻衄腸風痔瘻
月經不止小兒驚癇疳疾反胃止瀉痢脫精尿血
遺溺金瘡長肉安胎健脾又治夜多小便。○啗經
云古方紫丸治小兒用代赭云無真者以中顧牡
蛎代使乃知真者難得。○湯云本草同本經。○聖
濟經云怯則氣浮重則所以鎮之怯者亦驚也。○
衍義曰代赭方士爐火中多用丁頭光澤堅實赤
紫色者佳。○白堊卽白善土京師謂之白土子方
寸許切成段鬻於市人得以浣衣今人合王瓜等

分爲末湯點服。治頭痛。○赤土。今公府用以飾椽柱者。木調細末。一貳錢服。以治風癰。○局云。代赭辟邪除鬼疰。養人血氣。療疳驚。女能墮孕。攻崩漏。男則強精治脫精。○代赭石能墮胎而可攻崩漏。石鍾乳。○蛇床爲之使。惡牡丹玄石牡蒙。畏紫石英。明白光潤輕鬆。色如鍊消石者佳。○生崑穴陰處溜山液而成。空中相通。長者六七寸。如鵝翎管狀。碎之如瓜甲。中無鴈齒光明者善。○有三種石乳。竹乳茅山山乳。○道州生少室山谷及太山。今道

州江華縣及連英韶階峽別山中皆有之。○局云
人水研細。

味甘。氣溫。無毒。○一云有大毒。○東云補肺氣療
腎虛。

本經云主欬逆上氣明目益精安五臟通百節利
九竅下乳汁益氣補虛損療腳弱疼冷下焦傷竭
強陰久服延年益壽好顏色不老令人有子不鍊
服之令人淋。○唐本注云不可輕服多發淋渴。○
藥性論云有大毒主泄精寒嗽壯元氣健益陽事。

能通聲。忌羊血。○日華子云。補五勞七傷。通亮者爲上。○丹溪云。石鍾乳爲慄悍之劑。經曰。石鍾乳之氣悍。仁哉言也。天生斯民。不厭藥。則氣之偏可用於暫而不可久。夫石藥又偏之甚者也。自唐時太平日久。膏粱之家。惑於方士服食致長生之說。以石藥體厚氣厚。習以成俗。迨至宋及今。猶未已也。斯民何辜。受此氣悍之禍。而莫知救。哀哉。本草讚服有延年之功。而柳子又從而述美之。不得不深言也。○衍義曰。肖炳云。如蟬翼。爪甲者爲上。如

鵝管者。下。經旣言乳。今復不取乳。此何義也。蓋乳取性下。不用如鴈齒者。謂如烏頭附子。不用尖角之義同。但明白光潤。輕鬆。色如鍊消石者。佳。服鍊別有法。○局云。鍾乳甘溫。能益氣。服之不鍊。使人淋通。聲治。欬能行乳。補髓添精。又壯陰。○鍾乳粉。補虛而助陽。

陽起石。○臣也。是雲母根。○桑螵蛸爲之使。惡澤瀉。茵桂。雷丸。蛇蛻。石葵。畏菟絲。忌羊血。○以色白肌理瑩明。若狼牙者。爲上。○水飛研用。○齊州生齊。

山山谷。及琅邪。或雲山陽起山。今惟出齊州。他處不復有。○局云。燒通赤。酒淬七次。研細。水飛。味鹹。氣微溫。無毒。○一云。味甘平。○東云。壯陽暖子宮。療陰痿。○楊損之云。不入湯。

本經云。主崩中。漏下。破子藏中血。癥瘕。結氣。寒熱腹痛。無子。陰痿不起。補不足。療男子莖頭寒。陰下濕痒。去臭汗。消水腫。久服不飢。令人有子。○藥性論云。主補腎氣。精乏腰疼。膝冷濕痺。能煖女子子宮。久冷。冷癥。寒瘕。止月水不定。○日華子云。治帶。

下溫疫冷氣補五勞七傷合藥時燒後水鍛用凝
白者爲上○集云主男子婦人下部虛冷腎氣乏
絕子藏久冷○衍義曰陽起石如狼牙者佳其外
色不白如薑石其大塊者亦內白治男子婦人下
虛冷腎氣乏絕子藏久寒須水飛研用凡石藥冷
熱皆有毒正宜斟酌○局云陽起山生陽起石癥
瘕腹痛効如神壯陽補下宜男子止漏除崩益女
人。

礪砂○使也畏漿水忌羊血○形如牙消光淨者良